

林下詞選

林下詞選卷十目錄

國朝詞

徐燦二十二首

張昊二首

吳綃三首

歸淑芬四首

項珮一首

王端淑二首

朱中樞七首

許傳媯一首

林下詞選卷十目錄

林下詞選卷十

國朝詞

徐燦

字湘蘋茂苑人陳之遴相國夫人善屬文  
兼精書畫詩餘真得北宋風格絕去纖佻  
之習其冠冕處卽李易安亦當避席不獨  
爲本朝第一也相國字彥升號素菴海昌  
人

如夢令

和韻

昨夜雨添春重滴潤小眉愁動剪剪海棠風一點殘  
燈紅弄如夢如夢夢斷五更風送

卜算子 春愁

小雨做春愁愁到眉邊住道是愁心春帶來春又來  
何處屈指算花期轉眼春歸去也擬花前學惜春  
春去花無據

添字浣溪沙

元夜

煖淺寒輕夜氣和踏春紅袂試織羅月似美人猶欲  
睡暈紅波 懶逐香塵看火樹自牋新調當笙歌半

側流霞三兩爵不須多

西江月

感舊

剪燭閒思往事看花尚記春游侯門東去小紅樓曾  
共翠娥杯酒聞說傾城尚在可如舊日風流囟囟  
彈指十三秋怎不教人白首

少年游

有感

衰楊霜遍灞陵橋何物似前朝夜來明月依然相照  
還認楚宮腰金樽半掩琵琶恨舊譜爲誰調翡翠  
樓前懸膽井畔魂與落花飄

惜花陰

風雨

幾日愁風和恨雨鄉夢難教住花外燕雙飛等得他  
來訴與傷心語碧雲有路須歸去青鳥書無據殘  
月又模糊空照人愁沒個分明處

浪淘沙

庭樹

庭樹又秋花做弄年華滿城霜氣濕青笳眼底眉頭  
愁未了去數歸鴉殘月靄窗紗莫便西斜雁聲和  
夢落天涯渺渺濛濛雲一縷可是還家

南鄉子

秋雨

秋氣試初寒一片鄉心點滴間滴到湘江多是泪珊  
珊染得無情竹也斑斑百和夜香殘喚起征鴻行路  
難夢裏江南秋尚好般般紅蓼黃花次第看

一一斛珠

有懷故園

恁般便過元宵了踏歌聲杳二月燕臺猶白草風雨  
寒闌何處邀春好吳儂只合江南老雪裏枝枝紅  
意蚤窗俯碧湖雲半嫋繡幙纔舉一枕梅香遶

惜分釵

旅懷

移春檻芳非黯詠絮才情渾欲減記江南熟吳蚕芍



藥開時花滿澄潭探探 身長汎花相賺新來漸把  
閒愁懣夢魂甘是烟嵐西子湖頭結個花龕叅叅

踏莎行 初春

芳草纔芽梨花未雨春魂已作天涯絮晶簾宛轉爲  
誰垂金衣飛上櫻桃樹 故國茫茫扁舟何許夕陽  
一片紅流去碧雲猶疊舊河山月痕休到深深處

一剪梅 傷別

春光九十已全拋送也魂消畱也魂消東君傳語謝  
嬌嬈去也無聊住也無聊 玉床香被展輕綃長也

今宵短也今宵愁紅休怕綠陰交早也明朝暝也明朝

臨江仙

繫舟

寂寞汀洲春欲暮數聲杜宇帆收夕陽斜繫小孤舟  
綠沉嘶馬路紅點傍人頭烟柳易殘人易老幾多  
閒悶閒愁淡雲朦月伴魚鉤一春消息事已付水  
中鷗

又

病中寄  
素菴

病枕不知寒日午起來愁雪瀟漫玉紅殘紙膩雙鸞

懨懨半息強寫報平安、幾日離愁愁未了今朝又  
上眉端丁寧春老且爲歡薰風雖軟莫便試輕紈

唐多令 感懷

玉笛送清秋紅蕉露未收晚香殘莫倚高樓寒月羈  
人同是客偏伴我住幽州小院入邊愁金戈滿舊  
游問五湖那有扁舟夢裏江聲和泪咽曾不向故園  
流

蘇幙遮 秋老

雨深深秋漸老舊苑新花莫問愁多少玉爪侵絃寒

料峭纔奏南音陣陣風驚攪  
袖紅單屏翠小剪剪  
清霜不許芙蓉好故國烟蕪昏復曉尚有青山強向  
江城遶

青玉案

弔古

傷心悞到蕪城路攜血淚無揮處平月糝糊霜幾樹  
紫簫低遠翠翹明滅隱隱竿車度  
鯨波碧浸橫江  
鎖故壘蕭蕭蘆荻浦烟水不知人事錯戈舡千里降  
帆一  
莫怨蓮花步

御街行

燕京元夜

華燈看罷移香屨正御陌遊塵絕素裳粉袂玉爲容  
人月都無分別丹樓雲淡金門霜冷纖手摩娑怯  
三橋宛轉凌波躡歛翠黛低回說年年長向鳳城游  
曾望蕊珠宮闕星橋雲爛火城日近踏遍天街月

滿江紅

感事

過眼韶華淒淒又涼秋時節聽是處搗衣聲急陣鴻  
淒切往事堪悲聞玉樹採蓮歌杳啼鴉血嘆當年富  
貴已東流金甌缺風共雨何曾歇翹首望鄉關日  
看金戈滿地萬山雲疊斧鉞行邊遺恨在樓船橫海

隨波滅到而今空有斷腸碑英雄業

念奴嬌

西湖雨感  
次素菴韻

雨窗閒話笑浮生何限是非今昨幾遍青山酬對好  
依舊黛眉當閣灑道輪香潤花杯滿不似前秋惡繡  
簾纔捲一樓空翠迴薄擬泛烟中片葉但兩月佳  
處任風吹泊山水清音聽未了隱岸玉箏金索頭上  
催詩枕邊滴夢慢惜瑤卮落相看不厭兩峰天際孤  
削

水龍吟

春闈

隔花深處聞鶯瑣窗一霎東風驟濃陰似幔飛紅堆  
砌殿春時候送晚微寒將歸雙燕去來迤逗想冰絃  
悽鶴寶釵分鳳別時語無還有怕聽玉壺催漏滿  
珠簾月和烟瘦湘雲捲恨春波釀泪爲誰睂皺夢裏  
憐香燈前顧影一番消受恰無聊問取花枝人長悶  
花愁否

永遇樂

病中

翠帳生寒玉爐烟細病懷如許永晝厭懨黃昏悄悄  
煞是無情緒薄倖楊花多情燕子時向瑣窗細語慙

東風一夕無端狼藉幾番紅雨  
曲曲闌干沉沉簾幕嫩草王孫歸路  
短夢飛雲冷香侵佩別有傷心處  
半暖微寒欲晴還雨消得許多愁  
否春來也愁隨春長宵放春歸去

張昊

字槎雲錢唐人張祖望妹適胡大滌所著  
有趨庭詠行世詩餘止二闕綿繆多情自  
不易得

虞美人



楓林昨夜多風雨  
籬菊欹新露  
疎枝無力倚西風  
這是新腸花瘦與人同  
憑欄不語心何已  
又見唼蟲起  
今年何事忽多愁  
怪底淒淒風雨暗層樓

蝶戀花

午日

佳節薰風何太好  
曉色晴明競渡遊人早  
公子韶華開大道  
馬蹄踏碎閒花草  
柳上黃鸝聲未老  
蕩漾湖波忽自傷懷抱  
豈爲春光歸別島  
斑衣零落添予惱

吳綃

字冰仙一字片霞號素公長洲人別駕吳  
水蒼女適琴川許文玉進士能詩屬文兼  
以書畫著名有嘯雪菴稿行於世詞清超  
雋拔絕無纖媚之態想見大家舉止

憶王孫

寒砧風急搗衣秋木落聲中人倚樓月午涼陰滿地  
愁夢悠悠一夜江南千里舟

醉花陰

游子天涯音信久盼到西風瘦昨夜夢兒圓只道郎

歸翠幄熏香透  
覺來依舊黃昏後  
有迢迢更漏報  
道睡來些好夢  
難憑索性天明候

疎簾淡月

露收烟霽見淡月  
疎簾芳心欲碎  
聲斷玉簫鳳遠  
秦樓如水淒淒  
畫角殘更遲

去聲

香篝冷熏消  
鴛被孤燈

昏照三星慘烈  
欄杆徙倚  
嘆寂寞長門  
深閉紅巾

泪染黃花憔悴  
屏掩西風寒  
悄歸期垂切  
花牋難綴  
離情味託行雲  
馳神千里  
鸞音盼斷  
陽臺夢隔  
躊躇  
無寐

歸淑芬

字素英嘉興人文學高陽室偕隱花村所  
著有雲和閣二集又與秋涇黃月輝德貞  
吳門申蘭芳蕙共輯名閨詩選歸自爲序

如夢令

春閨

數目珠簾慵捲檻外初來新燕繡袂倚朱欄春暖風  
吹人倦人倦人倦且向海棠消遣

點絳脣

晨粧

漫展香奩鏡前巧畫青山遠綠鬟粉面寶髻添珠鈿

繡袂紅綃玉臂雙金釧輕羅扇花羞難見落雁低  
聲轉

憶秦娥

幕春

春光驟惜花憔悴蛾眉繡蛾眉繡碧天依舊翠筠新  
茂草茵花落鮮如繡鴛鴦蹴水荷錢逗荷錢逗柳  
絲分線鸚梭織就

遶佛閣

喜參同菴新  
建大悲樓

法雲普覆雙溪水連新築燿燦高閣孤聳一燈遠映  
梵音到花畔桂香又遍招隱作伴深塲幽境時臥遊

玩夢魂繚繞鴻飛少芳翰  
病客最踈懶暮喚蓮蓮  
滌古硯還是檢書伊唔常目眩待臘盡春來重赴禪  
院此時登殿緩步女叢林積懷頗展綠陰堪聽黃鶯

轉

自註云蓮  
蓮侍兒名

項珮

字吹聆秀水人適同邑吳統持統持字巨  
手浙中名士少時作迴文詩一百韻極爲  
人膾炙

桃源憶故人

聞巨  
手歸

東風似惜離顏瘦不許紗窗輕繖吹得梅芽香透纔  
是郎歸候 問儂低事郎歸候買幅生綃重繡花影  
雙雙當畫莫遣離情又

王端淑

字玉映山陰人禮侍季重先生之女適太  
史丁文忠公子司理聖肇所著有吟紅畱  
篋恆心諸集輯名媛文締詩締歷代帝王  
后妃古今年號名史愚行世今僑居武林  
以詩文自娛東南閨閣之中允爲稱首矣

浣溪沙 春閨

澹綠輕紅掩畫樓  
珠簾盡日下金鉤  
玉人鸞鏡倦梳頭  
春老夢尋芳草路  
消魂人在木蘭舟  
月明何處弄箜篌

解語花

贈沈繹堂侍講典試

帝心隆眷文采千秋  
珠玉光爭射典儀風雅飄丹桂  
月闕梯雲先駕班揚阮謝看桃李  
巍然聲價不勝衣  
金帶垂腰楚楚惟盈把  
此際鳳池清夜有瑞烟銀燭瀛署  
盃尊宮槐瑤榭龍蛇字風雨也堪驚  
怕香塵



似麝歸朝去綸音重下東閣開新築沙堤待沐昇平  
化

朱中槲

字遠山南昌人司馬李元鼎梅公夫人著  
有石園五集牧齋錢宗伯爲序雪堂熊少  
宰稱其詩餘穠纖倩麗不減易安近日陳  
伯璣李雲田遴選國雅海內閨秀僅得二  
人惟夫人與黃偕令而已

如夢令

懷歸

何處香風暗透又是中秋時候帶月捲簾窺睂映碧  
波紋皺消瘦消瘦惟有燕山依舊

又 詠嬌小

自小嬌憨親縱惱著情兒沒縫萬喚只低頭故故嗔  
人珍重如夢如夢姊妹仙行居仲

又 悼媳陳氏

愁砌一腔新悶萬斛千航難盛何處最傷情兒向書  
幃誰問孤另孤另應掩關睡不詠

菩薩蠻 閏春

惜春自是因春瘦欲寫新詞應未就人苦戀春情春  
歸不戀人春道歸非早百二還嫌少人不解春情  
反云春撇人

西江月

閒庭睹小貓數箇  
潔白可人戲賦

彌月狸奴堪玩新池魚婢應忙時時偷覷水中央  
在薔薇架上臥似綠茵滯雪黦疑錦慢飛霜穿林  
箇箇染清香撲着蟲兒誰讓

又

暮春  
雨後

細雨欲收春去殘花暗約鶯留無心閑翫強登樓陌

上遊人還有 泥滑難將舊恨提  
壺喚起新愁天涯  
芳草共悠悠爲問海棠誰瘦

南鄉子

送熊雪堂少宰年  
嫂杜猗蘭南旋

秋色淡晴光又聽呢喃話別長  
隨趁鱸歸去早稱觴  
帆曳西風遠芰香  
何日逐歸櫓不爲驚秋淚染裳  
雁足那堪傳客信  
悲傷睂黛愁牽酒數行

附杜猗蘭題辭

爾其燕闔蒼茫潞河蕭瑟人歸落雁思發尊鱸舟  
容與於寒流車遠迤於遠道莫不詩歌蘇李酒睽  
琉璃慶易水之生還羨鑑湖之得請乃有名媛實  
儲天族詞鐫玉琯色豔瓊葩惜聯珮於香奩恨分  
攜於桂楫畱連北渚調寄南鄉刻燭華敷集縑珠

瑩意並飛從碧落情霄迤出丹霞芙蓉雙頰滯染  
秋旻楊柳一灣孤憐夜泊筆韻蕭森蘊雲間之秀  
逸篆文璀璨存石鼓之莊嚴於時薄烟生野皓月  
臨軒望翠憶之將歸挹彩毫之飛動宛彼麻姑暫  
臨經舍叮嚀青鳥復反瑤池無才屬相等白雪與  
陽春畢世珍藏陋隋珠與荆璧云爾丙戌之秋同  
里熊門杜猗蘭

題於潞河舟次

杜猗蘭爲熊雪堂少宰蕭陵內君也其丁國變周  
旋患難不啻手足丙戌秋月猗蘭隨少宰得請南  
歸余偶製南鄉詞送別都門淚落沾襟猗蘭潞河  
發舟寄余此敘心誠愧之往來胸臆今且數年於  
茲矣因以小詞災木借冠於首以記余兩人離合  
之歲月非敢如三都之重左思太玄之擬桓譚也  
甲午立冬  
日遠山識

千秋歲 春雪

瓊花飄砌點額新妝媚微雨間輕風起同雲迷雁杳  
繡閣添香沸囊罄也惟餘薄釀還堪醉 幸識貧滋  
味衙舍清如水冰欲泮寒應已心隨殘夢遠意攪繁  
英碎春又也人歸不似春歸易

滿江紅

丁酉仲夏讀陳素菴夫人詩餘感和

乍雨還晴怨怨怨天無分別更那堪淮流涇水共人  
悲咽佳節每從愁裏過清光又向雲中沒恠啼痕欲  
續調難成柔腸絕 花弄影紅殘纈水荷覆瑤琴歇  
問梁間燕子共誰淒切舉目關河空拭淚傷心杯酒

空邀月歎人生如夢許多般皆虛擲

許傳嫺

餘杭人鄴令鮑之汾配

春光好

咏梅

歌翠羽暮烟濃冷香中雪滿深山樹欲空月光溶  
姑射仙人體素漢家公主肌鬆受盡一番寒色醉春  
風

林下詞選卷十一目錄

國朝詞

黃媛介五首

董如蘭四首

沈憲英五首

周慧貞一首

鍾青四首

吳森札五首

章有湘一首

吳琪四首

申蕙二首

趙氏一首

張蘩二首

陳縈一首

錢涓四首

王仙媛二首



吳懷鳳一首

翁與淑二首

吳櫺閣三首

張鴻廡三首

方笙二首

方佺二首

林下詞選卷十一目錄

林下詞選卷十一

國朝詞

黃媛介

字皆令嘉興人楊世功室久以詩文擅名  
其書畫亦爲世所珍嘗作離隱歌序云予  
產自清門歸于素士兄姊名媛雅好文墨  
自少慕之乃自乙酉逢亂被劫轉徙吳閫  
羈遲白下後入金沙閑跡墻東琴張居雖  
衣食取資于翰墨而聲影未出于衡門古

有朝隱市隱漁隱樵隱予迨以離索之懷  
成其肥遁之志焉將還省毋爰作長歌題  
曰離隱歸示家兄或者無曹妹續史之才  
庶幾免蔡琰居身之玷云爾

長相思

春暮

風滿樓雨滿樓風雨年年無了休餘香冷似秋  
花聲賣花舟萬紫千紅總是愁春流難斷頭

又

春日飲  
間觀

花滿欄葉滿欄人醉言歸情未闌都來相見難  
道

如蘭氣如蘭隨在雲山日一竿離心江上看

菩薩蠻

秋思

芙蓉花發藏香露白雲慘淡關山路愁思惹秋衣滿  
庭黃葉飛繡閣簾初捲夢在離人遠秋雨又如烟  
魂銷似去年

臨江仙

秋日

庭竹蕭蕭常對影捲簾幽草初分羅衣香褪懶重薰  
有愁憎語燕無事數歸雲秋雨欲來風未起芭蕉  
深掩重門海棠無語伴消魂碧山生遠夢新水漲平

村

金菊對芙蓉

答宗婦月暉  
見懷之作

五易星霜兩遷村墅思君幾許魂消看燕來雁去夢  
斷音遙兵戈路絕空相念惟虛却月夕花朝還家一  
載城隅輕隔似阻江潮感伊投我瓊瑤淚珠光溜  
彩玉韻含韶恨未能攜手愁寄纖毫君家梅竹猶堪  
賞待相逢斗酒重澆春光未老花香正美離思空勞

董如蘭

字晚仙雲間人松陵孫志儒進士繼配詞

意悲壯閨閣中之有俠氣者雜之稼軒集

中正復難辯所著有秋園集

浣溪沙

溪花

小立崖前支曉風宜人偏在露華濃  
盈盈臨水自矜容  
翠鳥啄餘青莖子游鱗疑狎粉  
香叢蓬窗撩亂

詞圖中

大江東去

歸思

羈人情緒似禽魚誤入絲籠難出極目鄉關何處是  
雲樹蒼烟遙隔不敢哀號恐驚腸  
斲默默空悽惻自

家兒女怎教他個憐惜  
應嘆兩字功名半生勞頓  
堪笑還堪咄離別傷心夢中相聚後醒來悲泣悞我  
歸期欺他歸約各度如年日君平頻問故園何日歸  
得

又前題

憂深如病萬千愁欲說傷心還歇是歲三春挨過了  
怎使重挨憂月將近初秋歸鞭未整酷日同心熱啼  
痕新舊積來猶勝鵲血 千里有限關河無窮荊棘  
魚雁難飛越異日相逢須記取今後再休輕別魂夢

堪憐朝朝暮暮不解辭登涉他時歸去定教真個歡  
悅

又  
和韻

端陽重遇可應是輾轉天高難越炫日葵榴疑是泪  
觸景偏增嗚咽三載離鄉兩經兵火辜負芳時節五  
絲續命寸腸應被千結 休問鼓吹誰家龍標何處  
風鶴成驚怯魂夢飛揚傍人須訝道樊斑形劣漁父  
忘言泪羅畱恨醉醒憑人說伶仃兒女有誰爲我疼  
熱



沈憲英

字惠思一字蘭支松陵人中翰沈自炳女  
適葉虞部仲韶第三子世俗與沈宛君又  
嫡姑姪也所著甚富饒有家風

點絳脣

早春

簾幕輕寒斷腸漸入東風片遊絲千線難挽離愁半  
小立迴廊劃損雕闌面春誰見梅花開遍烟鎖深  
深院

虞美人

別蘭  
餘姝

白雲掩映青山老，鬢入霜華早。今宵且醉画屏前，明月還移小。綠楊烟黃昏，細雨重門鎖。挑盡孤燈，火斷腸無處問天公。夢逐陌頭芳草，付殘紅。

滿庭芳

中秋同六嬌及素嘉甥女坐月

螢火流空蛩吟向夕，水輪碾破瑤天香。飄雲外桂子靜娟娟，對月幾人無恙。多半隔遠樹，蒼烟難逢，是一庭聯袂，把盞看重圓。無限淒涼，况含毫欲寫，累紙盈箋。任金風拂面，玉露侵肩，還惜良宵景促，無繩繫皓魄長懸。應飛去，廣寒宮裏，清影共愁眠。

水龍吟

寄江競渡

薰風池館新篁茶縻香盡驚梅雨純扇初裁羅衣乍  
試又逢重午萬戶千門遊人如蟻爭懸艾虎看碧蒲  
縈恨紅榴沾醉似續離騷舊譜惆悵韶華易換最  
關心畫船簫鼓當年沉水今朝競渡依然荆楚拭目  
城邊捧心臺畔恨垂千古霎時間惟有清江一曲綠  
簑漁父

又

哭少君姑姑  
以沉水炷

水晶深處瓊樓湘風半捲鮫綃軟桂旗翠陌平沙碧

草瑤天烟煖寶柱絃哀曲終人杳晚江清淺奈芳菲  
極目雲霞未賞都倩靈妃遊伴 寂寞楚山高遠聽  
啼猿一聲腸斷鏡消菱月釵沉蘭霧霎時分散恨逐  
波香愁隨浪影一天幽懣歎銷魂正是白蘋黃葉暮  
鴻影亂

周慧貞

字挹芬松陵人周文亨女適秀水黃鳳藻

風入松

述懷

幾回惆悵厭臨巒扶病倚闌干逢人懶整雲鬟亂眉

宋言集卷之三  
兒淡畱待郎看消瘦不禁搖扇遺情聊把琴彈  
絃理罷展琅玕描寫恨千端雙雙飛落簷前燕啣泥  
轉故故成歡何事比來輕去夜深不得團圓

鍾青

字山容蔡里人所著有寒香集其詞淡冶  
孫夫人之流亞歟

如夢令

五月十五夜

皓月柳梢堪戀風散榴花片片總是一情癡可惜流  
光如電倚遍倚遍花影遮人半面

西溪子 梨花

淡蕩相宜月下嬌態光宜朝夜曲欄邊人不見愁無限錯嫁東風難戀零落曉枝頭一春休

浪淘沙

寄眉令妹

寂寞久臨風歛步從容春來懶玩小墻東怕他撩亂花飛處芳草茸茸憶別恨匆匆失語無窮何如那日莫相逢可惜一番光景好心與誰同

惜分釵

海棠

情難判春時半東風愛拂初醒面曉烟籠碧霞容態

若輕雲醉舞騰空溶溶 何人伴腸應斷疑嗔疑笑  
胭脂淺思無窮恨誰同月色扶來夢入閨中重重

吳森札

字文照號瀟湘居士松陵人爲孝廉吳公  
流女也賦性喜讀書坐禪所著有小瀟湘

集

望江南

別情

人去也晚霽送行舟欲倩遠山畱落日待登高閣怯  
新秋滿目是離愁

菩薩蠻

晚沐和韻

晚風乍引新涼入捲簾慵向粧臺立日影下西廂小  
池菡萏香解鬟輕貼地蘭沐香縈臂莫便棄殘膏  
還將潤玉搔

又

賦得願在髮而爲澤

羅幃夢覺孤衾冷綠雲斜擁珊瑚枕強起翠鬟偏梅  
花點額前堆鴉香澤潤雙燕釵頭鬪影破海棠枝  
蜂窺蝶又知

鳳凰臺上憶吹簫

代作閨情



風淡烟濃困人天氣被池香煖貪眠惱曉鶯啼破春  
夢闌珊強起悄登粧閣無限恨都上眉尖漫贏得鏡  
中人對着意相憐 慙慙愁成病也任雲鬢蓬鬆懶  
整花鈿把鳳釵輕擲日日虛占無奈青鸞信杳憑欄  
望泪眼幾穿春郊外馬嘶芳草常認歸鞭

綺羅香

賦得願在  
衣而爲領

一幅鮫綃幾回忖量拈却繡刀裁剪穩貼雙肩試把  
芙蓉扣掩臨寶鏡顧影端詳啓珠箔畏人偷見漫尋  
春蝶慕蜂憐芳心猶恐衣香淺 方繡重封香窄怕

新來寬腿瓊姿銷減倦壓鴛衾蘭麝休教再染愁春  
去怨雨啼雲惜花殘香柔紅軟解羅衫收拾熏籠甚  
心情更展

章有湘

字玉筐華亭人適皖城孫振公有澄心堂  
詩稿行世與妹有渭字玉璜並有才名

浣溪沙

旅懷

此夜難分怨曉鐘夢魂偏又到吳淞愁情先上兩眉  
峰 滄海一身臨遠道蘭橈千里破長風可憐回首

隔江東

吳琪

字蓋仙長洲人與水仙爲女兄弟其詞幽  
逸似得源於山谷者

夢江南

暮景

深院靜漠漠晚雲青遠樹星低螢火亂  
畫簾風淡燕飛輕樓外坐調箏

踏莎行

不願爲鶯何須似燕也休派做鴛鴦  
伴空山松雪半

生宜蒲團夢影隨雲便  
鶴舞閒庭香飛画卷楞嚴  
讀罷桐陰轉蓮冠未解道人粧羽衣新樣梨花片

玉樓春

山樓

山影入樓剛尺許巷柳陰濃吹作雨簾低不礙野雲  
飛窗小只容憨燕舞又看明月松梢住漁夢江邊  
無覓處白鷗期我且休歸故園自有鶯花主

蝶戀花

淡月溶溶花映綠琴底離愁葉落相思曲頻整羅裳  
檀鈕束碧紗明滅紅膏燭玉漏聲聲催夜促斗帳

蓮鈞半掛鸞綃幅倚枕夢成風曉觸翠屏斜影窗前  
竹

申蕙

字蘭芳蘇州人申胤榮女有縫雲閣集

長相思

贈黃月輝  
孫夫人

鴛水流涇水流冰玉才高並斗牛芳名邑乘畱桂  
影浮月影浮蕉夢詩篇重十洲貞操比栢舟操平聲

又秋吟

月滿衣葉滿衣玉漏初沉銀漢低砧聲到竹扉事

已非人已非滿目淒涼何日歸魂消夢亦稀

趙氏

錢唐人觀察趙廷標女適海昌查容有詩  
稿行世詞則僅傳此一關於松陵吳聞璋  
睡香閣中火浣寸絲知爲世寶也

燭影搖紅

瑤瑟聲悲洞庭落木秋風急蘭旌桂棹水中央渺渺  
烟波隔獨倚危樓百尺正黃昏長天一色汀沙月淡  
野戍烽高寒山凝碧雙鯉沉浮錦書三載無消息

江南江北折垂楊  
歷亂愁如織  
歲暮虛傳畫鷁浪花  
殘  
蓮歌寂寂  
雲迷翠羽  
露冷瓊枝  
流光暗擲

張縈

字采于長洲人  
張天一妹  
吳士安室  
其詞  
品似吳淑姬  
一流  
當與陽春白雪並傳

清平樂

憶姊

重門深閉聽盡黃梅雨  
千遍懷人慵未起  
魂斷臨岐  
別際  
一天離恨  
分開同攜一半歸來  
日暮孤舟江  
上夜深燈火樓臺

江城子

久雨憶  
滌菴姊

湘簾不捲雨濛濛  
鏡臺封曉粧  
慵春山休染一任淡  
眉峰脉脉離情曾未慣  
百里外有人同  
盈盈一水  
隔難通  
思無窮  
憶相逢  
記得臨岐攜手話  
匆匆欲倩  
春潮和淚點  
流取去到吳淞

陳潔

字澣心海昌人相國陳素庵胞妹歸禾城

屠氏

雨零鈴

題外姪女  
屠瑞芳像



凌波纖影向瑤墀畔飛渡巫嶺娉婷格韻如許更難  
逗處蘭心耿耿蕙質從教染翰盡騷壇標挺痛嫋嫋  
倩盼嫣然曉露盈盈雲外冷 人生年少無多景最  
那堪空對芳顏哽半輪皎月斜照梅花下倍添寂靜  
此意千秋都付丹青點綴成靚真個是萬疊愁腸儘  
托蒼烟冥

錢涓

字璫文蜀水人孝廉錢泮女適平湖薛雍  
可著有抱雪吟自爲序其畧云聞之登高

能賦遇物能銘文人伎倆豈巾幗所有事  
然性之所近自不能已憶予甫離襁褓先  
子之教予一如所以教子者予遂得優游  
寢息於藝林雖東觀圖書未窮十乘而西  
崑簡冊聊見一班旣婦薛君奉事舅姑而  
外卽與校讐史籍商略風雅樂此不疲忘  
年永日何圖不祿中道棄捐伯也遼鶴游  
魂未還華表予也孤鸞隻影愁對菱花間  
以風雨飄飄破巢取子憂心惓惓無復好

懷自分雅宗墮地翰墨無傳而臭味難忘  
時形咏嘆或爐烟一剪或燈炷半篝或瀟  
瀟淅淅雨撲窗櫺或膠膠喈喈雞催曙旦  
思以情生情因境出長吟短誦予將假是  
爲忘憂萱草焉用是不揣固陋從事殺青  
就正大方集成顏曰抱雪以余熒熒未亾  
甘向終南陰嶺伴老雪蛆是又區區欲見  
之素心也

相見歡

山園

堦前雲補蒼苔襯花開窈窕朱闌碧戶似天台  
山  
一帶水一派足徘徊滿目畫耶詩也費安排

菩薩蠻

蜂蝶

窺紅惹綠身兒小飛飛慣入芳林擾伊也點鴉黃個  
今淺淡粧  
樹頭春意開翻逐隣家悄風度遠花香  
知他飛那廂

清平樂

臘梅

峭寒方甚蕊破枝頭嫩獨喜傲霜無瘦損另是一家  
風韻  
游蜂釀蜜來賒翻疑螭染成花日映隔簾金

碎暗香透入窗紗

秋波媚

芙蓉

豔質誰教托渚洲寂寞更誰儔半竿落日幾行征雁  
數葉歸舟那堪風雨頻相妒紅粉逐波流深深綺  
閣盈盈羅帳又控金鉤

王仙媛

仁和人韓克之室

憶王孫

芙蓉

輕紅淡粉別鮮妍開遍盈盈秋暮天嬌逞風流似鏡

前惜朱顏孤另寒江最可憐

生查子

秋閨

花香愛捲簾月淡多清暇  
獨自倚紅樓片片霞光射  
暮雀亂深林昏靄愁長夜  
霜冷玉琴收小膽空幃  
怕

吳懷鳳

字梧閣桐城人大司馬吳用先孫女適楊

氏少寡

鷓鴣天

幾許情懷恨未完花枝常向病中看漸依人面春雲  
薄欲拾榆錢夜月殘愁沒緒思無端低徊鎮日自  
憑欄東風芳草渾無賴弱質偏教耐晚寒

翁與淑

字登子仁和大叅周野公孫也適餘杭  
陸進著有巢青閣詩詞早歿其姊少君亦  
有詩名

聯環結

秋夜

淺雲行散紅霞歛歛霞紅散行雲淺中可月亭空空

亭月可中 砌蛩吟雨細細雨吟蛩砌燈燼欲闌更  
更闌欲燼燈

賣花聲

新夏雨  
窗病懷

窗外雨潺潺羅袂生寒困人天氣怯衣單我病伴愁  
愁伴我愁病雙關 睡起黯無言強自憑闌簷聲又  
逐鳥綿蠻天亦淋漓無奈也泪叠雲山

吳榴閣

榴閣字允宜桐城人中翰吳澹菴女孫賦  
性幽閒能詩詞工書畫適同邑方雲駿雪



駿字又申爲大學士坦菴公之孫孝廉與  
三之子孝廉卽中翰之壻樞閣與又申原  
屬溫家姑表彼唱此隨兄先妹後又過梁  
孟遠矣

長命女

春日閒吟

東風悄女伴鞦韆雙拜巧花落春應少  
意倦思歸  
畫閣撲蝶輕紈力小額上梅花粧謝了  
眉淡呼郎掃

鷓鴣天

送夫子遊吳越

曉起牽衣強送行承歡客邸和臯鳴  
秋江一路芙蓉

艷竝蒂花開獨有情  
吳水白越山青  
西湖花月虎丘燈  
蘭橈到處都佳境  
囊裏應多憶內吟

踏莎行

送春

鶯老紅殘綠垂滿樹  
匆匆又送春光去  
問春何事去忙忙  
樓頭燕把歸心訴  
雨壓梨雲風翻柳絮  
晚鐘將到  
摧天暮  
再來端的嶺梅開  
花間坐臥休還誤

張鴻廡

字淑舟當塗人尚寶卿張貞菴女孫孝廉  
中嚴女天姿敏慧賦性端淑能詩詞有案

廊間草紙閣初集各數卷適桐城方念祖  
字文房爲學士坦菴公孫孝廉與三子

一剪梅

白海棠

玉影盈階映月痕一片溪雲幾點梨雲隔簾風細送  
香溫猜是湘君又擬文君却比春花迥不羣蜂也  
難驚蝶也難驚鉛華洗淨倍芳芬開也銷魂落也銷  
魂

眼兒媚

嬌允宜繪  
筵相謝

宵中端的有煙霞巖壑意無涯西湖塘畔山陰道上

樹裏人家如花人愛筆生花墨瀋散奇葩夫人姓  
管夫人姓衛俱未堪誇

柳梢青

丁巳元旦  
兼寄夫子

綠蟻椒觴聲聲爆竹驚起東皇瑞靄寒輕風和香軟  
共試新妝畫簾日影初長鳥啼處梅花弄香芳草  
王孫垂楊行客費盡思量

方笙

字豫賓桐城方與三之次女也少小好文  
墨七歲能詩時人有詵絮之稱適周在建

榕客爲少司農櫟園公第三子

卜算子

海棠

笑幾日秋風便把容光瀉  
弄粉施朱繡出來千萬真  
無價  
含笑向籬邊欲語依茅舍  
初沐楊妃酒乍醒  
顰立斜陽下

明月棹孤舟

春閨

春帶愁來花事早  
惜花那不愁春老  
一枕風聲半窗  
雨響定是落英時了  
曉起卷簾心草草  
無端却被  
花相惱  
若箇煙寒這翻香冷又動閒情多少

方仝

字允吉係與三方君少女隨諸兄姊庭闈  
唱和十歲成集適吳芑黍谷卽澹菴之長  
孫中表世姻玉鏡臺稱幾葉矣

錦堂春

立春

昨日臘殘椒酒今宵冰解東風一年花事從頭起次  
第看欹紅梅綻香飛宮額柳開翠壓眉峰小廊長  
日添如線春色繡簾櫳

蝶戀花

秋月

漠漠清光千萬里雲擁冰輪一片輕如紙借問嫦娥  
何若此只應長伴愁人爾 照徹陶籬黃共紫漸漸  
梅梢影亂橫塘水睡熟芙蓉誰喚起寒蛩聲裏啼殘  
矣

林下詞選卷十二目錄

國朝詞

龐蕙纓七首

黃德貞八首

孫蘭媛五首

孫蕙媛二首

屠菴珮三首

吳貞閨一首

吳靜閨二首

葛宜一首

沈關關一首

顧道喜三首

許定需二首

許心榛三首

許心碧一首

許心檀二首



詩  
卷三  
許心澧一首

于啓璋三首

喻樸三首

林下詞選卷十二目錄

林下詞選卷十二

國朝詞

龐蕙纓

字紉芳一字小畹吳江人進士龐彰妹工  
臨池筆法道勁能書扁額詩久著名歸同  
邑吳君鏘字聞璋偕隱泉石賦詩自娛龐  
有句云常同做帖凌晨起每伴敲詩午夜  
眠唱隨之樂可想見矣著有唾香閣集

如夢令

春閨

春到韶光堪戀妬，殺画梁雙燕。粧罷捲珠簾，遲日和風吹面。人倦人倦，無數落花庭院。

浣溪沙

夏日

綠映亭臺薄暮天，薰風寂靜小庭前。暗香浮動一池蓮。  
柳絮紛紛飄畫檻，桐花點點墮湘簾。紗窗雨過却慵眠。

少年游

重午要婦偶成

鳳冠初卸龍舟正，渡佳節。恰新婚。羨遣姑嘗拜隨堂。  
上紅燭。昨宵停葵榴。艾虎曉粧纔。竟深淺畫眉痕。

願來年此日兒生鎮惡客滿孟嘗門

願字視

鵲鵲天

病中聞家慈同元  
姨爲余誦經誌感

終歲慙慙怯往還  
盈盈兩袖泪痕潛  
一心解織愁千縷  
雙鬢慵梳月半彎  
鴛被冷  
瑣窗寒  
翻經画閣懣紅顏  
枕函稽首殷勤意  
不盡箋題寄小鬟

滿江紅

嘉禾李孝貞女終身不字以養其父一時  
皆稱紳先生言之詳矣其兄子荅廣徵

名作以表章之尤有古  
人之風焉因爲賦此

地老天荒重翻過  
鵲湖春色記當日  
白衣來夢前身

西極

事見本傳千古男兒忙不了一時  
閨閣輕收得笑緹

縈緩急請從行真成激曹娥恨江猶黑陶嬰志環  
空碧想呼蒼哀顙藥鎗朱實女父病呼天願以身代  
服之淚凝楓根終有痛魂棲椿樹知何日聽城南夜  
卽愈夜杜鵑啼催明月

塞垣春

代明妃怨

塞馬嘶平野正四處悲風卸天南極望亂雲滿目珠  
淚偷瀉正黯然鄉思滿懷也更羌管鳴秋夜想蛾眉  
漢宮欲妒沙場巧相嫁無計問君王可猶把嬋娟  
縈掛縱漢使頻迴奈長恨難寫曩何時故國重見待

安排歸夢清宵下怨寄琵琶裏單于應淚灑

想字

沁園春

仲春爲二姝  
三十初度

曉鏡初開喜傍粧臺日上花梢看梅痕雖淡尚飄積  
雪柳綿未吐遍拂長條風送紅香烟凝翠黛春到簾  
櫳淑景饒風光好正筵前燕喜窗外鸞嬌蘭芳玉  
映堪描許謝女班姬第一標任荆臺歌舞低頭織錦  
秦樓夜月並坐吹簫甲子平分花朝前後寶瑟瑤琴  
逸韻調閨中近羨霞觴引滿人在雲霄

黃德貞

字月輝嘉興人司李黃守正孫女孫曾楠  
室工詩賦與歸素英輩爲詞壇主持共輯  
名閨詩選行世二女蘭媛蕙媛俱能文子  
渭璜亦名下士所著有嘯蓮辭

花嬌女

送皆令  
之西泠

芳草織前谿去路迷  
絲絲柳難繫片帆西

踏歌辭

送皆令  
北遊

飛絮縈香閣橫波遶  
畫簾都將煩惱意付與別離舡  
白雪長安聲價重  
吟瑤天

調笑令

織女天星也世人輒以七夕事相誣余爲正之

銀河迢遞東復西  
雙星應笑鵲橋低  
貫月槎浮天  
駟外支機石與玉繩齊  
二萬通錢年月遠可知  
天帝何曾管紅綃香幕  
駕鸞車乞巧情多容  
繾綣繾綣雙星燦浪  
說烏填營室畔人間  
天上情應判祇覺徒增  
詆訕潔清織女停梭  
怨詞客從今須辨

女冠子

訪女道者

石床愁冷獨坐還憐  
香影翠嵐重南嶽夫人廟  
緱山仙女宮  
道超塵埃外名藉絳霄中  
磨崖松風裏世



緣空

雨中花慢

游北山草堂看九松

鱗水喬松秀挺鬱蟠北山堂構清幽羨亭臺依舊溪  
石臨流九老風規楚楚千尋品地悠悠任淩霜濯雪  
凝露餐霞青映丹丘韶華轉瞬紅紫空妍故人何  
處瓊樓祇趁取芳時登眺緩步夷猶選勝濡毫蘭徑  
忘歸問鶴汀洲聽濤軒外徘徊好景欲去還畱

望海潮

乍浦天妃宮觀潮

扶桑縹緲霓光龍采金宮柱砥銀濤烽堠星羅營屯

碁布驚看鯨浪岌萬疊舞蛟綃恍瓊鰲駕水白馬  
凌霄一蹴春霆千尋秋雪勢滔滔幾迴目眩魂搖  
羨東南形勝奇絕神臯雲珮莊嚴繡幃屹峙滄波晝  
夜騰驕浴日海門潮更昏微朏時共盈消聞說蓬  
瀛鼉梁虛駕笑秦橋

玉女搖仙珮

所著詩餘補入琴譜喜賦

偶摘詞藻未別宮商忽聽琳瑯佳操助我清音悠然  
淡韻恍若鶴鳴霜曉如竹梳風響似荷彈雨點秋聲  
寒悄想當日登臨懷古惟閒霽景相照但隨意鋪排

不計焦桐十分叶調 自笑疎簾邃閣滌硯焚香舒  
寫閒情幽抱數息起時持經餘暇幾駭冰絃清嫋律  
呂通奇與可知我銷却光陰多少喜白髮高吟不朽  
軫前徽下指能解語流泉繞含宮嚼徵詞源灝

鸞啼序

西湖懷古

蘇堤柳下維画舸凭闌遠眺嘆西陵賣蘄繁華兩峰  
螺黛如掃憶往日香車油壁六橋三竺青葱好更桂  
香荷艷玻璃冷浸霞曉 洪谷興酣北苑得意斗絕  
游仙權但滿眼芻牧樵蘇極懸崖控絕島遍亭臯桃

林歇馬採蓮歌換關山調撫流波荇藻漣漪澱紋畱  
照游魚吹浪飛燕翔空慣聽笙歌開乘好景晴和  
淑媚吟賞湖光灝樓開粧鏡舟移菱浦南屏爽氣排  
林表羨逋仙笑指梅花老孤山鶴夢冰雪遶漸暖日  
嘶風驕驪鬣盡芳草湘簾澄碧淥水柔藍載筆嗤  
墨妙約畧烟嵐踈樹瞻顧從容擬拾幽蘋白雲膠擾  
銀飄鬢絲蟾輝映雪幸西家尚容憊耄趁稀齡少寄  
臨風傲斜陽一曲瑤琴放艇湖心水香月皎

孫蘭媛

字介腕黃月輝長女歸陸氏詞多韻語不

雜脂粉自是香閨雪艷

訴衷情

第一體  
閒情

絃扇輕裁雙蛺蝶倚銀屏風漸引低語細閒評小婢  
笑相迎盈盈畫簾香影清不勝情

河滿子

第一體  
美人圖題

羅扇半遮粉頰寶釵長墜香肩十二闌干凭曲處歎  
眉此際堪憐却愛綠窗睡重羨他紅袂生妍

薄命女

惜憐  
女

情緒惡強寫迴文文屢錯珠泪汪汪閣瘦腰圍如  
柳弱多少春愁銷却猛拍闌干嗟命薄恠殺當時諾

感皇恩

鴈湖  
泛月

烟雨釣鰲磯楓林遙映南浦舟停夜光靜昨朝風雨  
簾半捲猶嫌冷今宵秋水濶嬋娟影初試蓉裳羞  
窺菱鏡掉破蘋花浪千頃鷺鷥飛處寫出汀洲芳景  
看清輝萬里銀河淨

解珮令

咏蟬

涼生籬畔風清庭院聽莎鷄一聲聲輕囀咽露吟秋

却催起眉峰愁案再休來絮人腸斷  
堦前頻喚床頭低嘆這情懷誰堪分辨  
歲歲秋高向金籠十分雄健半間堂  
霜飛蛩怨

孫慈媛

字靜晚黃月輝次女孝廉莊國英室工小  
令能與介晚爭勝所著有愁餘草

摘得新

侍冊

鏡影單芭蕉細雨寒瑣窗人薄命倚闌干  
喜隨白髮同朝暮勸加餐

望江怨

秋思

淡閨悄葉落梧桐秋欲老攬鏡愁多少闌干凭遍西  
風掃情渺渺試問菊花期還是霜前好

屠蒞珮

字瑤芳嘉興人屠成烈女適孫渭璜是爲  
黃月輝之媳其小詞情思婉約不讓乃姑

南歌子

第二體  
夏景

待月調鸞檻乘風闌鴨欄粧成茉莉與珠蘭簪向鬢  
邊香發撲冰紈



南鄉子

第一體  
秋思

獨上樓西綠鬟鸞鏡曉粧低半暖乍寒花影靜重思  
省聽得砧聲著意整

七娘子

喜晴

濕雲銷盡朝陽嫩庭前綠徧忘憂草玫瑰香濃紫霞  
凌曉重簾不鎖爐烟裊樹頭梅子青多少薰風吹  
透荷錢小愁在眉山忺看林表芳菲又恐鶯啼早

吳貞聞

字良首松陵人歸曹村金氏善書鼓琴東

牘有晉人風致蘇臺名媛集云其詩詞舉  
體芳雋不減李夫人珊珊來遲時也

臨江仙

春閨

曉窗怯怯羅衣薄癡打鸚哥豆落呼鬟欲剪雨中花  
爲甚泪含來花人情自各睡起情絲關不住織在  
睂峰一處非愁非病爲誰來癡倚玉樓前忘却收鍼  
刺

平仄不  
合調

吳靜閨

字珮典貞閨之妹歸周氏名媛集稱其詩

有因風飄去帶月浮來之況

謁金門

春思

春心老懶向花衙去考工夫一半愁中了睡情殊草  
草 鳥泣春歸咽早春去如何去討啼音說與鏡中  
人打起相思藁

虞美人

蘭

湘簾水簾秋初捲人在西風苑暗香何處拂衣來行  
過畫欄深處蝶徘徊 竹溪寒玉曾同倚雪塢清無  
暑一枝和露碧垂垂恰似楚江寒雨夜來時

葛宜

字南有海寧人朱爾邁配有玉窗遺稿

踏莎行

花撲重簾雲生遠樹倚樓望斷人歸路却憐檻外雨  
和風殘紅一夜飄無數新燕初飛鷓鴣拂羽歸來  
已是芳菲暮晝長漸近困人天春來春去傷心處

沈關關

字宮音松陵人

臨江仙

春暮

春睡恹恹如中酒小庭閒步徘徊雨餘新綠徧蒼苔  
落花驚鳥去飛絮捲愁來憶昔春來春已暮枝頭  
疊疊青梅年光一瞬總堪哀浮雲隨水逝殘照上樓  
臺

顧道喜

字靜簾松陵人萬曆壬辰進士顧兵憲自  
植女歸諸生許季通元方性癖書博雅名  
通順治戊戌進士竹隱虬其次子也一門  
風雅咸出淵源

如夢令

高柳蟬聲哽咽四壁蟲吟悲切丹桂發天香疑是廣  
寒宮闕八月八月又是中秋佳節

季通和詞有無復夢遊金闕之  
句靜簾一笑遂借隱課子云

蝶戀花

閨情

日射紗牕花影透滿鏡春山雪面粧成候立徧蒼苔  
尋草闌鸞鍼鳳線拋殘繡拜佛朝持般若咒脉脉  
含情徙倚消長晝聞道知愁還未久去年學得吹簫  
後

滿江紅

移居嚴莊有感

禾黍斜陽村臯外江霞飛滅回首去依稀風景繁華  
銷歇沼冷鴛鴦荷謝雨臺荒麋鹿松篁月忽一聲野  
寺斷鐘過疎籬缺清曉怨簾鉤揭王孫夢鵬啼竭  
問天涯何處銅僊金闕猿鶴三秋淹短草風雲萬里  
悲高碣料明朝好鏡不相瞞霜侵髮

許定需

字碩園靜簾之女陸素絲室自幼受詩于

丹氏

如夢令

壬午秋雨  
別兄竹隱

攜手階前吟月同調琴聲清絕上下古今編夜半燈  
殘茶熱淒切淒切風景依然人別

鷓鴣天

雪曉

羅幙重重寒氣侵曉光先透紫絳綵半空飛下梅華  
瓣一夜平添玉樹林  
焚獸炭酒徐斟安排新調入  
瑤琴行人莫起江南恨驢背奚囊興不禁

許心榛

字阿秦一字山有許竹隱長女竹隱宦黔



寄以絕句云憑他道韻誇風絮爭似儂家  
有阿泰阿泰一和再和有粧臺秋暮挑燈  
事閒檢殘編到漢秦之句可以想其風期  
矣與妹阿蕁阿蘇阿芬唱和爲樂又與母  
姪張采于稱閨中詩友

菩薩蠻

舟中感舊

數聲漁笛斜陽裏離愁亦傍寒風起  
烟樹幾人家冬殘猶放花  
昔時歡笑處各自東西去  
恰見斷鴻飛  
霜帆獨櫂歸

浪淘沙

層樓  
觀雪

六出繞庭中  
野外雲同斜  
斜整整舞長空  
笑指青山頭  
白了似雨非風  
歸鶴失行蹤  
綈袂相逢梁園授  
簡奪天工  
誰共梅花蕭索也  
人在樓東

叙頭鳳

題漁郎再  
訪花源

峰峰亂村村  
斷一灣流水  
桃花岸春時  
雀秦時藥垂  
髭黃髮別來  
忘却昨昨昨  
漁舟舊漁郎  
瘦町疇仍  
向人前  
滿山川錯  
僊凡各緣  
谿再訪烟橫  
雲薄莫莫  
莫

許心碧

字阿蓴手錄唐絕句娛玩興到偶一作詞

浣溪紗

送泰姊

送別江頭江水清  
歸帆漠漠帶愁征  
鵲鴿原上曉霜明  
木落千山鄉夢繞  
香橫半舫曉粧盈  
搖搖心事各懸旌

許心檀

字阿蘓明慧好學其韻語多出天然兼工

於書

憶秦娥

燕來

簾櫳卷穿來穿去雙雙燕  
雙雙燕  
烏衣新翦天涯遊  
俗  
銜花杏苑  
顰脂片  
翻躑  
掠雨深深見  
深深見  
雕  
梁春永呢喃自遣

眼見媚

庭荷

太華峰頭玉井蓮  
移種曲闌前  
綠衣笑擁紅粧新  
豔  
面面堪憐  
珠寶蜂鬚照水  
鮮  
宛宛落波仙  
含情勿  
怨曉風披露  
夜月籠烟

許心澧

字阿芬時年十二喜弄采翰寄托詠吟

玉蝴蝶 詠梅

忽憶羅浮驚夢半簾花霧香入虛無一任朱樓斜掩  
黃鳥頻呼月陰轉深藏丰韻霜痕澹越顯肌膚對他  
愁輕粧受凍踈影難扶 清癯東君傳信百花根動  
草短平蕪管領芳菲水邊先把一枝圖笛聲橫落英  
自掃隴書斲新釀誰沾爲調羹衝寒先發春滿皇都  
于啓璋

字靜媛嘉興人文學于世華女適西陵沈

蕃素性耽文翰所著有鍼餘草吳瀟湘居  
士云鍼餘絕似漱玉揉紅撚白不減寵柳  
嬌花

清平樂

新月照  
積雪

宿寒未去畱却餘光住惹得姮娥嗔復妒皓色隨風  
遙吐纖纖下浸瓊樓迷迷遠帶銀鈎江上不分夜  
影惟聞蘆荻颼颼

鳳凰臺上憶吹簫

掬水月  
在手

天際雲空枝頭風逗蕭然涼浸疎桐看烟凝翠嶂露

泣寒蛩縹緲水輪出海秋氣靜玉宇玲瓏怡情處閒  
乘舴艋醉折芙蓉溶溶光浮綠沼愛月連素浪水  
接蟾宮把清波攤破纖指輕籠應念姮娥難遇莫分  
手放過池東從今後準期三五此地相逢

又  
弄花香  
滿衣

殘臘辭梅嫩寒侵柳小園風送春來漸天桃競放瓊  
李爭開相約西鄰女伴粧罷也倚徙莠苔柔荑滑弓  
鞋半褪羅襪微至安排鞦韆架畔試問尋百草笑  
賭雙釵更揉紅撚白插鬢堆懷竚立湖山石上錯引

得蝶戀蜂猜花陰冷歸更雪縷香溢粧臺

喻撚

字惟綺江西南昌人詩人喻指妹歸湖廣  
侯鼎臣才情艷逸閨中秀林下風殆兼之  
矣

搗練子

春日偶占

香欲冷雨初殘春事無多怕遶欄侍女不知愁絕處  
却持花片向人看

浣溪沙

示蓮女



曉日當窗理繡絲  
莫調金粉莫拈詩  
倦餘聊倚碧梧枝  
道蘊才華妨靜女  
少君風範是良師  
耽書休似阿娘痴

踏莎行

借嫂游  
湖浦

畫閣粧餘東風正  
早且閒刀尺聽黃鳥  
湖干十里趁花開  
攬遊莫惜鞋頭小  
樹裏人家堤邊芳草  
遠山無數橫天表  
頻年苦憶故園春  
今朝始覺江南好

林下詞選卷十二

林下詞選卷十三目錄

國朝詞

張學雅十五首

張學典二首

沈樹榮五首

吳芳二首

顏繡琴二首

沈爰琴一首

沈御月一首

胡玉鶯二首

姍姍一首

蘇清月一首

戴陵濤一首

張學象二首

張學聖一首

張學賢一首

蘇瑞蓉一首

汪嫻一首

周季三首

林下詞選卷十三目錄

林下詞選卷十三

國朝詞

張學雅

字古什山西太原人張侯女隨父流寓蘇  
州許配金壇于給事中沘年二十二未嫁  
而卒其父爲狀云女生之日其母金夢道  
人鐵冠鶴擎入坐中堂呼語曰上帝散花  
玉女誤碎御瓶今謫汝家宜善視之寤而  
坐草果生女女幼不食葷血聰慧過人嗜

讀書十餘歲能屬文作月賦尤工詩予多  
難流離播遷家貧窶甚至紙窗破損不能  
補學雅每端坐一室了無介意攤書籍滿  
牀几吟咏往往徹夜當臥病猶持黃庭經  
準提呪強起洗硯濡毫賦詩尚日有一二  
十首一日其母又夢前道人來曰玉女謫  
限滿矣果於是日正午端坐而逝逝之日  
手未嘗釋卷也其女弟學儀集其遺稿十  
卷命曰繡餘草繼總女禪師爲之序

生查子 夜深

試問燭無情何事頻添淚  
清夜正迢迢綠焰煎心碎  
繡帳冷熏篝香膩鴛鴦被  
懶卸玉搔頭一束和衣睡

浣溪沙 春日

無事閒庭不啓扉  
簾香空疊舊羅衣  
綠濃紅淡恨依依  
依睡起海棠香夢足  
隔簾芍藥淡烟迷  
春來春去總堪疑

又

向晚粧成懶出帷徘徊對鏡感愁眉自憐歡少只多  
悲花弄影時庭正午鳥驚啼處日西垂覺來幽夢  
已難追

菩薩蠻

柳絮

飛綿糝徑無消息因風管領東南陌小榭正無聊漫  
天作雪飄珠簾愁未捲浪跡浮踪遠舞怯點池塘  
萍浮綠渺茫

又

代閨怨

纖纖眉月窺簾小夜深人靜閒庭悄香袖倚欄杆玉

階花露寒 細箏絃斷續 頓奏歸雲曲 淚濕素牋紅  
燈前帶淚封

減字木蘭花

臨鏡

曉寒侵箔錦帳佳人初夢覺 情緒如痴一種幽魂在  
自持 菱花乍起忽見嫦娥來 月裏髻膩雲香鬢掠  
蘭花時樣粧

海棠春

秋海棠

西風吹展顰脂片 愁絕處睡醒難辨 試捲曉簾看酒  
暈楊妃面 霧籠烟鎖供腸斷 花史還嫌秋色淡 故



把雨絲飄染得紅堪玩

蝶戀花

夜雨

門掩蒼苔春寂寂。暮雨瀟瀟，隔著窗兒滴。小院黃昏人獨立。啾啾飛鳥歸栖急。萬里瀟湘雲霧濕。簾外風聲，疑是吹蘆荻。腸斷梅花和泪泣。氤氲夜半高樓笛。

又 春晚

九十韶光憐未賞。一地芳菲，似與愁爭長。幽鳥初驚鶯兩兩。畫屏人靜閒書幌。霽雨初晴天色爽。寂掩

重門風弄花枝響。軟蝶戀花飛不放。幾迴繞遍空枝上。

又前題

紫燕雙飛春去了。桃李枝頭畱得春多少。簾箔重重人悄悄。黛烟一半縈芳草。空憶故園歸去好。正是池塘綠滿荷錢小。深院垂楊烟繚繞。落紅荒榭啼鶯老。

拂霓裳

病起

暗年芳日暄初換。薄衣裳扶病起含情對鏡懶梳粧。

任繁紅消索從柳絮輕狂損春光唯憐蘭蕙伴我清涼  
多情須戒潘仁美易沾霜從今後愁來切莫細思量  
一翻風雨過落盡滿園香最堪傷依依茸草綠徧回塘

滿江紅 春暮

高閣烟籠旭光初照垂楊院粉蝶黃蜂花下度韶光  
堪玩乳燕飛時鵲又老芳菲無限腸空斷紅箋書恨  
小字題愁揮檀輪紗窗靜書爲伴欄杆外紅塵亂  
正池塘草長烟波平岸閒坐蘭閨垂繡幕隔牆唯聽

幽禽喚說十分春色九分消增長歎

燭影搖紅

秋思

搖落江天一庭淡日閒清畫素衣時怯曉風侵睡起  
籠金獸病後東陽消瘦憑高幾度空回首籬邊疎菊  
天際孤鴻年光依舊不解雙蛾偏將惱恨淡淡覆  
蓮房泣露粉香愁池水風吹皺昨夜雨輕寒驟海棠  
滿砌胭脂透暮蟬疎柳黃葉堆階斲腸時候

桂枝香

詠桂

生隨滿月香散在清秋豈遭蜂蝶瀟灑小山叢茂羣

芳敢雜成蹊桃李爭春艷到如今也堪羞殺一秋三  
慶天香繚繞廣寒宮闕真稱得中央配色更瓊葉  
難凋情傲霜雪一種淒涼風韻霏霏金屑而今誰把  
吳剛斧丹梯千級虛陳設珠英萬斛姮娥自貯未容  
攀折

浪淘沙慢

冬至夜作

黯然獨坐正淒慘一燈明滅情緒此時難說柳眉空  
鎖雙葉奈詩句慵題逢令節怕描出寸腸千結念往  
事星霜容易換空庭又飄雪悲咽耿耿雁鳴天濶

不道悄悄畫堂深處有個人愁絕抱影自尋思清夜  
魂怯昏烟凝白向小窗獨語一鉤殘月蘭麝消鴛衾  
空疊香闥靜更籌將歇陰風凜嫩寒侵透恰想何處  
可使遺愁除入夢蘧蘧變成箇蝴蝶

張學典

字古政張佚第四女適吳門解元楊廷樞  
子无咎偶于友人齋頭見其所刻唱和小  
箋未得全藁其詠秋海棠小令別有一種  
憨稚之態非復尋常艷麗知是繪香手

浣溪沙

秋閨  
聞雁

庭院蕭疎落葉稠  
數聲寒雁起汀洲  
驚迴蝶夢故園游  
翠柳凋殘寧似昔  
黃花憔悴不禁秋  
仰看雙影漫凝眸

蘇幙遮

詠秋海  
棠和外

嫩舒紅輕剪翠拂拭新粧  
一種天然媚淺暈胭脂凝  
宿醉力怯凭闌香夢初驚起  
映殘霞籠曉霧嬌態含情  
欲語還羞吐  
自是月中丹桂侶  
一夜金風吹向瑤階貯

沈樹榮

字素嘉吳江沈永禎女葉蕙綢其母氏也  
適同邑諸生葉舒胤卽仲韶先生從孫其  
所製家庭酬唱居多可想見渭陽之韻事  
矣

如夢令

秋日

小院西風初透一霎涼生雙袖幾日怕關情猶道芳  
菲時候是否是否添得鏡中消瘦

點絳脣

懷吳夫人  
麗小曉



隔箇牆頭幾番同聽黃昏雨別來情緒向北看春樹  
一院藤花底是臨書處還記取綠窗朱戶  
烟縷

臨江仙

病起

草草妝臺梳裹了曲闌干外凝眸年光荏苒又深秋  
一番風似剪兩度月如鉤病裏高堂頻囑道而今  
莫更多愁當時檢點也應休重新來眼底依舊上睂  
頭

滿庭芳

中秋同三姪母六姪  
母坐月和三姪母韻

宿雨全收晚涼乍爽微雲點綴長天廣寒宮敞素面  
露嬋娟影浸閒庭如水看浮動梧竹和烟相依處團  
圞共話人月恰雙圓 記闌干十二桂花叢下分劈  
紅箋許詩成險韻學步隨肩一向秋光隔斷清輝好  
兩地空懸今夜永參橫斗轉幽賞不教眠

水龍吟

初夏避兵惠思三姪母棲鳳館有感追和外祖母憶舊原韻

誰知到處徘徊謝庭風景都非舊畫堂塵掩蓬生三  
徑門垂疎柳白晝初長清風自至流年空又看多情  
燕子飛來還去真箇不堪回首 簪日嬌隨阿母學

拈鍼臨窗挑繡斜陽樓外熨殘銅斗線紋渾皺蠶欲  
三眠鶯猶百轉落花時候問重來應否消魂試聽江  
城笳奏

吳芳

字芳英秀水人吏部吳竹亭女貢生祖錫  
之妹適同邑徐然然字撫辰素以詩文名  
世

阮郎歸

寄遠

東風吹就雨廉纖慵將鍼線拈暗愁多半上睂尖殘

燈和泪添 羅帳冷 香爇偏無言且獨眠欲憑清夢  
到君邊誰知夢也慳

丁香結

爲未婚願  
烈女作

蘭拂清芳菊垂素影那容蝶蜂輕逗待粧臺攀折繡  
簾永伴任淒清相守不堪人去也花容杳鏡彎虛負  
含芳欽艷更教甚日重撚玉手 難又看嫋嫋嬌枝  
休擬絲絲牽袖柳絮沾風墻花笑路從教甘受誰識  
香心有主怎許憐清瘦拚宵來顚顚敢惜塵埋瞿缶

顏繡琴

蘇州人字青音適分湖葉氏

長相思

思漫漫恨漫漫春色芳菲取次看閒庭花影寒對  
闌干凭闌干夢見雖多相見難紅香泣夜殘

謁金門

愁脉脉幽恨滿懷誰識芳信經春還又隔晚風花陣  
急紫燕雙雙飛入簾外一天雲碧可奈妝臺人寂  
寂緝書和泪跡

沈彖琴

字參苓吳江人雅工文墨與其妹纖阿稱  
一時聯璧歌詞往往有傳誦於人者

臨江仙

爲烈女顧  
季繁賦

彤管徒傳緱嶺怨採蘭又釀新愁此身已許便相酬  
一朝巾幗志千古丈夫儔慷慨捐生猶易事從容  
就義難求樓空人去冷香篝雲寒朝欲暮月淡夜何  
修

沈御月

字纖阿

虞美人影

送春和韻

送春春去添煩惱  
閒悶何時得了  
試看落紅多少點  
破階前草  
流鶯樹上啼聲悄  
驚破羅幃夢杳  
斷送鏡中人老  
都爲春歸早

胡氏

名玉鶯武康人歸吳氏少年守制詞最懷

惋

減字木蘭花

思親

無言凝咽難解柔腸  
千萬結倦倚粧臺  
惟願慈親入

夢來 白雲望斷泪染羅襟紅欲遍愁壓眉尖怕見  
春光不捲簾

菩薩蠻

賦得願在髮而爲  
澤和瀟湘居士

春風嶮峭孤幃冷鬱金油膩鴛鴦枕慵整綠鬟偏鶚  
哥喚檻前 朝來新沐懶學宮妝鬪隨意插花枝  
芬芳只自知

姍姍

周氏一名小姍毘陵黃雲孫進士所聘侍  
兒未嫁而卒雲孫爲之傳詞止一首見蘭



咳集

減字木蘭花

和別

梅花何意開落從君君曰未收拾韶光消得天公幾  
度霜 心魂安在花欲訴人人似醉月底惺忪忍聽  
明朝馬上鐘

蘇清月

虞山人有夢草亭詩餘

長相思

秋興

晚風生晚烟深幾樹丹楓點翠屏鐘聲處處聞 零

白露罨青雲征雁蕭蕭下遠汀斜陽照短亭

戴陵濤

字文淑廣陵人色藝雙絕吳郡蔣曠生進士納爲小室未幾卒所著有綠牕草

虞美人

秋山

千林葉落千峰曉颯颯西風早隔山何處逗鐘聲聞  
首蒼茫雲樹接歸程寒鴉古木深秋後楓葉霜初  
透停車晚步望山頭又是一行征雁過秦樓

張學象

字古圖張佚第五女著有硯隱集因所配  
非偶其詩詞多哀怨之音斷腸集不是過  
也

減字木蘭花

病中

病慵思睡可憐一日長如歲轉轉無聊感損蛾眉瘦  
損腰 三生緣淺鳳臺不遇吹簫伴寫恨盈篇幾度  
追思李易安

滿江紅

秋夜  
自傷

蕉影橫窗又點染一番秋色誰信道歲華如舊画樓

今夕天末飛鴻難訴與簾前明月曾相識想當初已  
誤摠難追今無及千種事休重憶千種恨書盈帙  
嘆三生緣薄泪珠空滴偏是王郎逢謝氏不教仙女  
隨張碩想徒然滿腹盡文章成虛擲

張學聖

字古誠張佚第六女與妹學賢俱未字所  
著有唱和集

清平樂

宮詞

昭陽春暖風送歌聲遠舞罷霓裳歸院晚凝醉海棠

紅軟 窗前鸚鵡嬌呼錦帷春夢如酥女伴相邀關  
草雲鬟起倩人梳

張學賢

字古明

菩薩蠻

月夜  
四文

夜寒垂幕消蘭麝蘭消幕垂寒夜  
鞦鳳冷莓苔苔  
月華鋪砌雪雪砌鋪華月看得幾時圓  
圓時幾得看

蘇瑞蓉

字淑芬

桃源憶故人

春恨

亂鶯啼歇春將盡  
燕向舊巢相並添  
起一番新恨  
自也渾難問  
滿園桃李舒嬌  
暈沒箇那般風韻  
陌上清明已近  
漸覺無真信

汪嫺

嘉興人汪周士妹聰慧寡言有天女丰度  
許字戴判官之子年十四未嫁而歿所著  
詩詞伊兄盡爲焚毀不忍讀也茲小詞向

傳誦於人者

搗練子

同仲嫂夜坐

庭悄悄月沉沉唧唧寒蛩斷續吟獨有孤鴻聽不得  
欲眠猶自理瑤琴

周 季

字季玉吳邑人周節菴次女

如夢令

早春

報道東風已到霧散烟沉晴曉紅日照梅梢新柳枝  
頭絲裊春早春早窗外一聲啼鳥

唐多令

秋夜追和  
葉瓊章韵

蛩絮短長更涼侵衫袖輕透窓櫺淅瀝風鳴漸覺短  
檠多意味好伴取讀書聲 四壁冷冷清清孤幃影易  
驚把桐君几上聊橫流水欲彈還又歇殘月落一天  
青

賣花聲

風雨惜梅

子鶴妻伊高士襟期相許任春來嬌歌艷舞繁華載  
路獨占深山塢王孫有意終非伍 瓊琪滿樹恨殺  
無情少女恣推殘更加連雨師雄清夢歷亂尋何處



才一言

卷三

五

難觸目粘泥藉土

林下詞選卷十四目錄

補遺

蘇小小二首

王十八娘一首

吳二娘一首

柳氏一首

耿玉真一首

花蕊夫人二首

王氏一首

盼盼一首

珍娘一首

王秋英二首

素貞女子一首

小青一首

張紅橋一首

吳氏一首

翠薇一首

郝湘娥一首

無名氏一首

謝小湄一首

張學典二首

瑤宮花史一首

楚江一首

袁蓮似一首

沈靜筠一首

張淑芳二首

琴操一首

林下詞選卷十四目錄

林下詞選卷十四

補遺

蘇小小

一名藺藺南齊時錢塘人樂府載其西陵  
歌云妾乘油壁車郎跨青驄馬何處結同  
心西陵松栢下

減字木蘭花

懷人

別離情緒萬里關山無底數何事傷悲未必郎心知  
不知自從別後數盡殘冬春又暮音信全乖等到

花開不見來

黃金縷

宋時司馬才仲在洛下晝寢夢一美妹牽幃而歌才仲愛其詞因詢曲名云是

黃金縷後五年才仲以蘇子瞻薦應制舉中等爲錢塘幕官與秦少章道其事少章爲續其詞願之復夢美妹迎笑曰夙願諧矣遂與同寢自是每夕必來才仲爲同案談之咸曰公廨後有蘇小小墓得夫妖乎不逾年才仲竟成疾而殞

妾本錢塘江上住  
花落花開不管流  
年度燕子啣將

春色去  
紗窗幾陣黃梅雨

調卽蟬戀花

少章續云斜插犀梳雲半吐檀板輕敲唱徹黃金縷夢蘄彩雲無覓處夜涼明月生南浦

王十八娘

天寶間宮人與太真寵相亞馬嵬埋玉十  
八娘亦歸晉安故里明萬曆間與閩人東  
海生冥會歌此詞自序事見幔亭集

菩薩蠻

妾身本是瑯琊種當年曾得君王寵  
傾國鬪紅妝人稱十八娘  
絳綃籠玉質纖手金盤擘驛路起塵埃  
驪山一騎來

東坡詠荔枝詞有骨細肌  
香恰是當年十八娘之句

吳二娘

按白樂天詩云吳娘暮雨蕭蕭曲自別江

南久不聞蓋指此女也

長相思

淡畫眉淺畫眉蟬鬢雲滿衣陽臺行雨迴  
巫山高巫山低暮雨蕭蕭郎不歸空房獨守時

柳氏

昌黎韓翃有詩名羈滯貧甚有李生者負  
氣愛才與翃友善遂以幸姬柳氏贈之後  
翃得擢上第因省家於青池天寶末盜覆  
二京柳氏乃翦髮毀形寄跡法靈寺時翃

爲侯節度書記畱淄青嘗遣使間行求柳  
氏以練囊盛麝金而題之曰章臺柳章臺  
柳昔日青青今在否縱使長條似舊垂也  
應攀折他人手柳氏捧金嗚咽亦賦詞答  
之

章臺柳

卽仄韻  
搗練子

楊柳枝芳菲節所恨年年贈離別一葉隨風忽報秋  
縱使君來豈堪折

耿玉真



南唐廬絳居廬山夢白衣婦人歌詞勸酒  
因謂絳曰妾乃耿玉真他日富貴當相見  
於固子坡後入宋坐法臨刑有白衣婦人  
同斬宛如所夢問其姓名曰耿玉真受刑  
之地則固子坡也

菩薩蠻

玉京人去秋蕭索  
畫簷鵲起梧桐落  
欹枕悄無言  
月  
和清夢圓  
背燈惟暗泣  
甚處砧聲急  
眉黛小山攢  
芭蕉生暮寒

花蕊夫人

蜀主孟昶妾費氏後歸宋昌陵惑之屢造  
毒爲患不能遂晉邸數諫昌陵不聽一日  
從獵苑中花蕊在側晉邸方調弓矢引滿  
擬獸忽回射花蕊一箭而殞

醜奴兒令

題葭萌驛  
詞只半闕

初離蜀道心將碎離恨綿綿春日如年馬上時時聞  
杜鵑

詞品云花蕊夫人書詞未畢爲軍騎促行後人有  
續之云三千宮女如花貌妾最嬋娟此去朝天只

恐君王恩愛偏夫見宋祖猶作十四萬人齊解  
甲更無一個是男兒之句豈有隨景行而書此敗  
節之語乎不惟虛空架橋而詞之鄙俚亦為續貂矣

玉樓春

夜起避暑摩訶池上  
作一本作蜀主詞

冰肌玉骨清無汗水殿風來暗香滿繡簾一點月窺  
人欹枕釵橫雲鬢亂起來瓊戶啓無聲時見疎星

渡河漢屈指西風幾時來只恐流年暗中換後段起句失韻

王氏

詞得之乩仙自言宋時人年二十卒有詩

云兒家夫婿太輕狂錦瑟春風泪萬行孤

枕伴人憐夜雨翠蛾感盡五更長見沈宛  
君伊人思

秋波媚

流水東迴憶故秋疎雨滴更愁雁來楚峽風淒江渚  
瘦損輕柔誰憐絕世嬌姿在斜倚小牕樓慵窺寶  
鏡汨懸情眼恨鎖眉頭

盼盼

宋時瀘南官妓瀘帥嘗寵之時黃山谷過  
瀘帥府中贈以浣溪沙詞云脚上鞋兒四

寸羅唇邊朱粉一櫻多見人無語但回波  
料得有情憐宋玉祇因無奈楚襄何今  
生有分共伊麼盼盼拜謝因唱惜春容詞  
侑觴山谷大喜醉飲而別

惜春容

調卽玉樓春  
本誤作山谷詞

少年看花雙鬢綠走馬章臺管絃逐而今老更惜花  
淡終日看花看不足坐中美女顏如玉爲我一歌  
金縷曲歸時壓得帽簷欹頭上春風紅簌簌

珍娘

宋時女鬼

浣溪沙

溪霧溪烟溪景新溶溶  
春水浸春雲碧琉璃底淨無塵  
風颺游絲垂蝶翅  
雨飄飛絮濕鶯唇  
桃花片片送殘春

王秋英

見第五卷近閱萬鳥啼春集又得其詞二首皆他選所不錄

臨江仙

除夕

燈火滿城鳴竹爆家家收拾幾年春陽初轉動朱絃  
金爐香幾縷裊裊散輕烟 人事天時又一歲迎春  
送臘開筵多情盃酒更烹鮮殷勤斟玉斚相對淚潛  
然

滿江紅

偶度銀河霎時間雲收雨歇枉做了叢莽溪頭一場  
轟烈江上風雨百年心家國興亡千里月媿今宵勾  
引蔓藤又添淒切 烟花恥應難雪雲雨債何時滅  
只爲塵緣把白瑜玷缺高唐夢裏情如海望帝山中

淚成血羞睹着嫦娥長自在瑤瑤闕

此詞中多謬句然不忍釋

素貞女子

見填詞集豔未詳其姓

行香子

閨情

一種愁腸兩地參商嘆歸鴻信阻衡陽深深閨閣幽  
恨偏長也懶薰爐懶拈韻懶修妝梨雲夢冷泪抹  
瀟湘枕香腮無限思量不禁憔悴愁倚空床却半如  
凝半如醉半如狂

小青



名玄玄廣陵人嫁爲虎林某生妾早卒  
幾居士爲之傳 又按小青係情字離合  
本屬烏有詩詞亦出僞撰今詞已載卓珂  
月詩餘廣選中俊健獨出不必問其爲捉  
刀也故錄之

天仙子

文姬遠嫁昭君塞小青又續風流債也虧一陣黑罡  
風火輪下抽身快單單另另清凉界 原不是鴛鴦  
一派休算做相思一槩自思自解自商量心可在魂

可在着衣又撚雙裙帶

下字失韻平仄多不協

傳中又有南鄉子詞止三句云數盡  
懨懨淡夜雨無多也只得一半工夫

張紅橋

見第六卷其玉漏遲一闋得之晉安逸志

今附此

玉漏遲

游白湖別墅和鴻韻

輕烟籠碧樹鶯啼香露繡帷春曉短夢初回頗恹賣  
花聲早懶下銀牀慢起纖纖手靚粧未了郎語小這  
綠稀紅暗與卿臨眺爲儂巧畫雙蛾移幾步金蓮

花間談笑聯袂尋芳恰是春光年少一杯竹葉同斟  
休學取樂昌破照佳興杳日日踏青鬪草

後段第五句第六句

末句俱不合調這字襯

吳氏

湖州秀才家女以失行繫司理院郡僚聞  
其美往觀之風格傾坐因命賦詞時值雪  
中遂墮長相思一闕衆爲言之太守王梅  
溪卽與釋放

長相思

烟霏霏雪霏霏雪向梅花枝上堆春從何處回  
醉眼開睡眠開踈影橫斜安在哉憑教塞管催

### 翠薇

嘉靖初清河丘任泊舟江陵有一女子來  
自稱兩淮鹽運使何公之妾翠薇引生至  
一亭就枕作詞以贈又詩云不斷塵緣露  
本真翠薇花下遶香魂如今了却風流債  
一任東風啼鳥聲次日訪之乃其墓也

### 憶秦娥

楊枝裊恩情無限天將曉天將曉漏窮鷄喚教人煩惱  
郵亭一夜風流少匆匆後會應難保應難保最  
傷情處殘雲風掃

郝湘娥

保定人竇鴻妾後鴻爲叛寇誣指斃獄湘  
娥遂投繯殉節見徐穉清美人書

清平樂

簾鉤雙控時有薰風送惱殺禽聲宛轉呀驚破午窗  
殘夢分明薄倖回家醒來依舊天涯且莫輕拋珊

枕再從夢裏尋他

無名氏

見初蓉集

漁家傲

秋日家園卽事  
次徐小淑韻

家在蘆花深曲曲半泓水抱三間屋  
麤下拖青新搗穀朝餉熟雪猶猶護熏籠宿  
倦思侵眉渾一簇無端又聽風敲竹  
試展屏山三四幅看未足日斜醒夢  
香橙綠

謝小湄

見第八卷

南鄉子

夜雨補  
小青詞

弱質苦難扶家住孤山人更孤  
數盡慙慙深夜雨無  
何費却工夫一倍多  
雙淚落龍梭寫就新詞調不  
和繡枕冰寒眠未穩  
憐吾更鼓敲殘夢也無

張學典

見十三卷

蝶戀花

六妹放紙  
蝶戲作

絳袖玉纖牽一線新製雲衣冉冉  
凌空展趙后香魂

疑更返東君謫作探花伴  
斜逐游蜂過柳院倦繡  
佳人悞撲輕羅扇一自飄揚春不管多情空把東風  
怨

又前題

力弱巧將纖縷繫粉翅翩翩恐逐東風去未解尋香  
花下度玉人芳信猶耽悞輕薄却同飛絮舞乍見  
疑真撲向枝頭墮可是蒙莊幽夢破魂消不識春歸  
路

瑤宮花史



何氏小名月兒山陽人早夭爲王母散花  
女歲癸未降乩如武園詳載悔菴沙語

鷓鴣天

送楚江  
下世

整束簪環下碧霄教人腸斷念奴嬌曲房空剩殘香  
粉獨對瀟湘憶翠翹  
斟別話酌清醪盈盈徐送小  
紅橋從今不伴烟霞客愛向風前鬪柳腰

楚江

花史侍兒甲申二月降生趙地

鷓鴣天

和花  
主韻

朝食風露暮乘霄不羨金閨貯阿嬌却恨柳絲牽月  
線強移花色點雲翹情猶戀意如膠依依不舍舊  
藍橋東君可許歸曩伴暫向塵封學楚腰

袁蓮似

字素如錢塘妓所著有粧笈新鹽與近日  
名流唱和青樓之傑然者也

玉漏遲

傷春春又去可憐几許都教辜負拾翠尋芳一事那  
能真個画閣深深誰到剛燕子一雙窺繡相見罷低

聲款語訝人消瘦 難道薄倖心腸渾不記樓頭去  
年時候端的思量著甚爲伊禁受似此輕離苦賺經  
擔得几番厮守歸到否先教看奴襟袖

沈靜筠

字玉霞吳江人太史沈位孫女山人呂元  
洲室歿後常降乩作詩詞與呂酬答語意  
超曠殆飄飄欲仙矣

鷓鴣天

乩上示  
元洲

一片春光遍九霄這回風月也全消重來繡閣吟殘

句不數縵山弄玉簫 身外事等閒拋萬層雲路碧  
迢迢香南雪北何由見直比人間午夢遙

玉霞又有詞云平波澹蕩烟無跡碧  
落清虛月有痕二語固非仙不能

張淑芳

淑芳樵家女宋理宗選宮嬪賈似道見其  
美匿爲妾似道敗芳遂削髮爲尼結菴九  
溪塲栽花種竹以老見西湖詩誌有四季  
詞今錄其二

更漏子

秋

墨痕香燈下淚點點愁人幽思桐葉落蓼花殘雁聲  
天氣寒雲棲月青溪場付到秋來更苦風淅淅水  
盈盈淙淙激不平

滿路花

冬

羅襟濕未乾又是淒涼雪欲睡難成寐音書絕窗前  
竹葉凜凜狂風折寒衣弱不勝有甚遙腸望到春來  
時節孤燈獨照字字吟成血僅梅花知苦香來接  
離愁萬種提起心頭切比霜風更烈瘦似枯枝待何

人與分說

勝字  
失韻

## 琴操

蘇子瞻守杭日有妓名琴操頗通佛書解  
言辭子瞻異之一日遊西湖戲語琴操曰  
我作長老汝試叅禪琴操敬諾子瞻問曰  
何謂湖中景對曰落霞與孤鶩齊飛秋水  
共長天一色何謂景中人對曰裙拖六幅  
湘江水髻挽巫山一段雲何謂人中意對  
曰隨他楊學士驚殺鮑叅軍如此究竟何  
如子瞻曰門前冷落車馬稀老大嫁作商

人婦琴操言下大悟遂脫籍爲尼

卜算子

欲整別離情怯對樽中酒野楚悠悠石上飄零落樓  
頭柳不繫黃金綬粉黛愁成垢春風三月有時開  
遮不盡梨花醜遮字